



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VI. Leo approbare noluit canonem XXVIII. quòd contrarius esset canonibus Nicænis. Duæ regulæ elicítæ ex epistolis Leonis. Prima, nullos esse canones adversos Nicænæ Synodo. Secunda, Summum Pontificem ...

urn:nbn:de:hbz:466:1-15591

Concilij patres, ut sibi os ab Aetio Archidiacono sublini, seque ludibrio haberi possi fuerint, quasi nullus ex illis literas novis set. Imo vero patres Chalcedonenses in epistola synodica ad Leonem disertis verbis huc duo distingunt, honoris privilegia, & metropolitarum ordinationes. Dignitatem quidem & privilegia honoris a canone secunda synodi induita se decreto suo confirmasse; Metropolitarum vero ordinationes consuetudine introductas se nunc synodal decreto contulisse profitentur. Quod autem contraria sententia e canone xxviii. Chalcedonensi trahi posse videatur, a virtute interpunktionis & a leviusculo Latinæ interpretationis erro proficiscitur. Verus germanusque sensus canonis in hac verba contrahitur: Canonem centum quinquaginta patrum recensentes, eadem quoque & nos definimus & statuimus de privilegiis Constantinopoleos novæ Romæ, ut aequalibus privilegiis cum vere Roma, etiam in rebus ecclesiasticis, fruatur: Et ut Pontica, & Thracica, & Asiana Diocesis metropolitani ab sede Constantinopolitanæ ordinantur. Itaque definitio de metropolitarum ordinationibus, interpunktione a superioribus verbis distincta, ad synodum Chalcedonensem refertur, non ad canonom secundam synodi. Cui nostra interpretationi favet lectio Graeca: οὐ τοις τούς πομπάνους, & quod sequitur. id est, *Et ut Pontice,* ita ut oratio trahenda sit ad superiora verba, ὅτι οὐδὲ περὶ τῆς Ἀσίας. In editione Conciliorum vetus interpretatione latina ita reddit, inversis particulis, *Vt & Pontice,* quasi quae de Pontica Diocesi, Thracica, & Asiana dicuntur, cum praecedentibus immediatè verbis connecterentur, atque adeo ad canonom secundam synodi referrentur, quod viris eruditis fraudi fuit. Antiquissima tamen canonum interpretatio rectum ordinem harum particularum juxta exemplarum Graecum conservavit, & novam istam definitionem synodo Chalcedonensi, non Constantinopolitanæ, tribuit.

V I. Novam constitutionem, qua tot metropolitanorum iura infringebat contra Nicenæ synodi canones, a Leone confirmari Synodus Chalcedonensis, blandissimis verbis Pontificem demulcendo, per synodicam epistolam petivit, rem gratam Imperatori, Senatui, & urbi Constantinopolitanæ facturum docens; imo vero eam gratiam illi tributum iri, ut patri, ad quem egregia filiorum facinora redundare solent. Attamen ab exactissimo illo sacerdote, ut consensum suum huic innovationi præberet, extorquere non potuerunt; ea præci-

Ep. Synod. Con-
cil. Chalc. p. in
manu scripta
anno 1512
a. d. 1512
invenit. 1512
invent. 1512
1512

Codex MS. qui
existat in Biblioth.
Thi. & apud Che-
litzellum.

pueratione, quod canon **xxviii.** synodi Chalcedonensis regulas Nicenæ a nullo synodali conventu violandas infringeret. *Tanquam*, inquit Leo epistola ad Anatolium, *refutari nequeat quod illicitè voluerit multitudo, & illa Nicenorum canonum per sanctum verè Spiritum ordinata conditio in aliqua unquam sit parte solubilis.* Nulla fibemet de multiplicatione congregationis synodalia *Concordia* blandiantur, neque trecentis illis decem & octo quantumlibet copiosior numerus Sacerdotum comparare se audeat, vel preferre; cum tanto divinitus privilegio Nicena sit synodus consecrata, ut sive per pauciores sive per plures ecclesiastica judicia celebrantur, omni penitus auctoritate sit vacuum quidquid ab illorum fuerit constitutione diversum. Idem in epistola ad Marcianum Augustum, de Anatolio loquens: *Non dignetur regiam civitatem, quam apostolicam non potest facere sedem; nec ulli sperni modo quod per aliorum offenditibus possit augeri. Privilegia enim Ecclesiarum, sanctorum patrum canonibus instituta, & venerabilis Nicene synodi fixa decretis, nulla possunt improbitate convelli, nulla novitate mutari.* In quo opere, auxiliante Christo, fideleriter exequendo, necesse est me perseverantem exhibere famulatum; quoniam dispensatio mihi credita est, & ad meum tendit rectum, si paternarum regulae sanctificationum, me, quod absit, connivente, violentur, & major sit apud me unius fratris voluntas, quam universæ domus Domini communis utilitas. In eandem sententiam preclarè idem Leo in epistola ad sanctam synodum habitam Chalcedone: *De custodiendis quoque sanctorum patrum statutis quæ in Synodo Nicena inviolabilibus sunt fixa decretis, observantiam vestre sanctitatis admoneo, ut iure Ecclesiarum, sicut ab illis trecentis decem & octo patribus divinitus inspiratis sunt ordinata, permaneant. Nihil alienum improbus ambitus concupiscat; nec per alterius imminutionem, suum aliquis querat augmentum.* Quantumlibet enim extortis assentientibus sese instruat vanitatis elatio, & appetitus suos Conciliorum estimet nomine roborando, infirmum atque irritum erit quidquid a predictorum patrum canonibus discreparit. Quorum regulis quam reverenter apostolica sedes utatur, scriptorum meorum, quibus Constantinopolitani antistitis conatus repuli, poterit sanctitas vestra lectione cognoscere, & me auxiliante Domino nostro, & catholice fidei & paternarum traditionum esse custodem. Ex his locis duas præcipue regulæ elicuntur. Prima est, Nullos esse ipso jure Conciliorum canones, si Nicenæ Synodi regulis sint adversi. Secunda est, Romano Pontifici dispensationem ita creditam, ut paternas regulas violari non sinat; cum sit paternarum

traditionum custos, ut idem Leo loquitur.

VII. Quare sui muneric conficius, quam aliis literis auctoritate vacuam dixerat synodi Chalcedonensis definitionem, utpote Nicen canonibus contrariam, ipse in irritum mittit, id est, nullitatem declarat epistola data ad Pulcheriam Augustam, que hoc sibi gratum fore significaverat. *Confessiones vero Episcoporum*, inquit, *sanctorum canonum apud Nicam conditorum regulis repugnantes, unita nobiscum vestre fidei pietate, in irritum mittimus, & per auctoritatem B. Petri Apostoli generali prorsus definitione cassamus; in omnibus, ecclesiasticis his legibus obsequentes, quas ad pacificationem omnium Sacerdotum per 318. antistites Spiritus sanctus instituit; ita ut si multo plures alius quam illi statuere decernerent, in nulla reverentia sit habendum quidquid fuerit a predictorum constitutione diversum.* Ex quibus verbis colligitur evidentissime, non solum Leonem denerasse consensum suum novis Decretis, (qui tamen necessarius erat in hac specie, ex recepta juris regula, ut quae omnes tangunt, ab omnibus probari debeant, & è novarum legum conditione, que illos non tenent à quibus recepta non sunt) sed canonem illum B. Petri auctoritate irritum decrevisse. In qua definitione non adeo nifus est superiori quadam in synodum jurisdictione & auctoritate, quam reverentiam Nicen canonibus debitam prætendit, ut ea ratio ne se à canonis x x v i i . ipso jure nullius, ut pote Nicen regulas infringentis, approbatione excusaret. Etenim cùm Romanus Pontifex sit præcipue canonum & traditionum antiquarum custos, assertor, & executor, ad illius reatum pertinet, si in rebus gravissimis illo connivente violentur. Quare illius sententia obtinuit, adeo ut è canonum numero expunctus fuerit canon ille tantopere controversus, quemadmodum dixi cap. iii. hujus libri §. v.

C A P V T V I I I .

Synopsis.

I. *Rescripta contra canones elicita*, sunt nulla; Deoque injuriam inferunt, ex Hilaro. *Summus Pontifex*, qui est potissimum sacerdos, reus est culpe, si canones vel decreta violari finit, ex eodem Hilaro.

II. *Propositum Romana sedis ut canones custodiatur*, è Gelasio. Quos praeter ceteris sedibus exequi debet. Non sufficit que sunt contraria privilegiis universaliis Ecclesie, ex eodem Gelasio.

III. *Pontifices decretorum suorum infringere non debent*, quia sunt perpetua; & eorum violationis tendit ad religionis & Pontificum injuriam, ex Symmacho. *Qua verba, de justis decretis*, ex equitate B.

Perrilatis intelligit Hinclarus.

IV. *Statuta decessorum servare justitia suadet*; injuriamque sibi facit Rom. Pontifex, si frarum iura perturbet, è Gregorio Magno. Ideo pastor effetus, ut canones & leges non excedat, è Leone IV. In consecratione sua professionem emittebat servandi que canonice essent decretata à decessoribus suis.

V. *Summa Pontificis auctoritas & canonum observatio fanciuntur decreto Concilii Florenini*, quod nondum expensum est. *Contentio inter Gracos & Latinos de primatu Papæ recensetur*. Latini eum intelligi volebant secundum dicta sanctorum. Græci, secundum canones. *Decreto statutum Pape in B. Petro traditam plenam potestatem regendi Ecclesiam*, ad eum modum quem canones & alta synodorum docent. *Corruptus leviter textus Latinus sensum mutat*. Legendum, quem ad modum & in gestis Conciliorum. *Vulgata lectio prefert*, quemadmodum etiam Graci primatum Pape colum in dicto Concilio Flor. Salvis privilegiis & juribus Patriarcharum. *Sic nostri*, Salvis Libertatibus Ecclesie Gallicanæ.

I. **L**EONEM excipit Hilarus Papa, qui candidè & ingenuè fatetur rescriptum quod à se per obreptionem contra Canones Ecclesiasticumque privilegia elicitem fuerat, esse nullum, vimque regulis illatam in Domini injuriam tendere. Ingenius Ebredunensis, Alpium maritimorum provinciae Metropolitanus, conqueritur de jure provinciae sua imminuto ab Auxanio Episcopo, qui ab Hilaro Pontifice rescriptum aliquod impetraverat canonibus contrarium. Querelæ istius cognitionem Hilarus Episcopis quibusdam Gallicanis delegavit, his verbis: *Ita vestre caritati cognitionem adnexæ querimone delegamus*, ut nihil adversum venerandos canones, nihil contra sancte memorie decessoris mei judicium valeat, quidquid obreptum nobis esse constiterit. Nolumus namque Ecclesiasticum privilegia, que semper sunt servanda, confundi; quia per hoc non minus in sanctarum traditionum delinquuntur sanctiones, quam in injuriam ipsius Domini profanatur. Idem Hilarus in Concilio Romano habito anno CDLXVII. vestigia Leonis premens, in se, qui potissimum est sacerdos, reatum omnem transfert, si constitutiones canonum vel apostolicæ sedis infringi patiatur: *Nulli fas sit, sine status sui periculo, vel divinas constitutiones, vel apostolicæ sedis decreta temovere*; quia nos, qui potissimi sacerdotis administramus officia, talium transgressionum culpa respiciem, si in causis Dei desideres fuerimus inventi; quia meminimus qualiter comminetur Dominus negligenter sacerdotum. Siquidem reatu majore delinquit qui posteriori honore perfruiatur, & graviora facit vitia peccatorum sublimitas dignitatum.

II. Multus est in commendanda canonum custodia Gelasius, docetque pium & devotum esse Romanæ sedis propositum ut